

DATE: 30/09/1982

Mahathir, beritahu Amerika Islam di Malaysia tak timbul huru-hara

NEW YORK 29 Sept. — Datuk Sri Dr. Mahathir Mohamad memberi jaminan kebangkitan semula Islam di Malaysia tidak akan menimbulkan huru-hara dalam negeri.

Jaminan ini diberi oleh Perdana Menteri semalam semasa soal jawab di majlis makan tengah hari merai-kannya anjuran Persatuan Asia dan majlis bagi hubungan luar dua badan penting pembuat dasar Amerika Syarikat di sini tengah hari ini.

Beliau memberitahu ahli-ahli kedua-dua badan itu yang terdiri dari tokoh-tokoh diplomat, pentadbir, ahli-ahli perusahaan terkemuka dan para penyelidik bahawa perhatian terhadap Islam perlu bagi mengimbangi nilai rohani dengan pembangunan material.

Bercakap kepada para pemberita Malaysia di sini malam ini, Perdana Menteri berkata, beliau menjelaskan kepada tokoh-tokoh Amerika itu bahawa nilai rohani penting bagi membela rakyat dari hilang panduan hidup.

Beliau juga memberi jaminan bahawa kebangkitan semula Islam di Malaysia tidak akan menimbulkan pergeseran antara keturunan Melayu dan keturunan Cina.

Tokoh-tokoh Amerika menimbulkan kemungkinan akan tercetus pergeseran tersebut memandangkan orang Melayu menumpu perhatian pada Islam dan orang Cina kepada negeri China.

"Saya beritahu mereka perkara-perkara itu tidak timbul kerana ada di antara rakyat Malaysia keturunan Cina yang beragama Islam", katanya.

Mengenai konsep pandang ke Timur, Datuk Sri Dr. Mahathir menjelaskan bahawa ia bertujuan menyeimbangkan pengaruh dunia ke atas Malaysia kerana negara ini tidak mahu tum-

puan semata-mata kepada Barat.

"Sebagai contoh, saya memberitahu mereka bahawa kita mempunyai lebih 59,000 orang penuntut yang melanjutkan pelajaran di Barat berbanding cuma 200 orang di Jepun dan tidak seorang pun di Korea Selatan.

Hasil penjelasan itu, mereka memberitahu saya bahawa sekarang sudah lebih jelas kedudukan sebenar tentang dasar kerajaan Malaysia", tambah Datuk Sri Dr. Mahathir.

Berhubung pertemuannya dengan Setiausaha Agung Bangsa-Bangsa Bersatu, Perdana Menteri memberitahu, pemimpin badan dunia itu telah menimbulkan tentang kebimbangan mengenai apa yang disifatkannya sebagai perbezaan pendapat di kalangan anggota ASEAN berkaitan isu Kampuchea.

"Saya menjelaskan kepadanya pada zahir mungkin nampak macam ada perbezaan tetapi pada asasnya semua negara ASEAN mempunyai pendekatan

LIHAT MUKA 14

Islam di Malaysia tak huru-hara

yang sama bernuansa itu", katanya.

Mengenai permintaan Bangsa-Bangsa Bersatu supaya Malaysia menyertai pasukan pengawas badan dunia itu di Namibia, Perdana Menteri berkata, kedua pihak yang terlibat dengan sengketa tersebut iaitu Afrika Selatan dan Swato bersetuju menerima tentera Malaysia sebagai sebahagian pasukan pengawas tersebut.

Datuk Sri Dr. Mahathir berkata, Bangsa-Bangsa Bersatu meminta Malaysia

menghantar 700 orang askar dan segala perbelanjaan ditanggung oleh badan dunia itu.

"Permintaan penyertaan kita di dalam pasukan itu akan menjadi satu pengalaman yang sungguh berfaedah pada tentera kita", ujarnya.

Beliau menambah, bagaimana pun setakat ini butir-butir lengkap termasuk tarikh pemergian tentera Malaysia ke Namibia masih dalam proses untuk dibesarkan.